

# 安全用藥

合  : 逐家好

魚 丸: 我是魚丸

鳥鼠仔: 我是鳥鼠仔（鳥鼠仔腹肚攪著笑無停）

魚 丸: 阿你是去張（tng）到猴山仔喔，腹肚攪著一直笑

鳥鼠仔: 張（tng）到猴山仔…彼是啥物意思？

魚 丸: 阿就…著猴哩…好啦好啦，緊講，你是在笑啥物，講來予逐家做伙笑。

鳥鼠仔: 我今仔日聽到一個笑談，笑佢我腹肚內的腸仔險險阿拍結。

魚 丸: 是啥物笑談遐好笑？

鳥鼠仔: 今仔日阮老師講伊細漢蹠佇阿里山。

合  : 高山青~ 澗水藍~ 阿里山的姑娘美如水阿！阿里山的少年壯如山！

鳥鼠仔: 等一下！咱今仔日毋是欲來唱歌的。

魚 丸: 對吼！你說你老師帶佇阿里山，閣來咧？

鳥鼠仔: 伊講伊細漢的時厝裡若紡田，伊就會提一卡桶仔，綴佇鐵牛仔後壁拈鮪  
               鰻，田若紡好，芋仔種落去，暗時閣會提火夾佢桶仔去掠鮪鰻佢鱔魚。

魚 丸: 真的喔！彼一定足好耍。

鳥鼠仔: 暗時掠鮪鰻日時閣會使摸田螺兼洗褲。

魚 丸: 田螺…這馬攔有田螺喔！

鳥鼠仔: 嘿咩！所以我才會笑佢腹肚痛，阮老師臭彈攏毋免打草稿，攏講一寡仔  
               卡通，那有可能田裡有野生的鮪鰻佢鱔魚，閣有田螺。

魚 丸: 吼~這你就毋知矣！

鳥鼠仔: 阿無你猶攔知矣！

魚 丸: 較早的時，農民種作攏用大肥毋捌用化學肥。

鳥鼠仔: 啥物是大肥？

魚 丸: 就是人佢精牲的” 嗯嗯” 啊！

鳥鼠仔: 唉呦~~彼不就臭簽簽(tshàu-hiam-hiam)

魚 丸: 袂啦！慣習就好，你毋捌聽人講: 天然的上好~~

鳥鼠仔: 按呢講嘛對。

魚 丸:閣有阿，較早嘛無人佇毒農藥。

鳥鼠仔:阿若有草有蟲欲按怎？

魚 丸:薳草(khau tsháu) 孳草(so tsháu)掠蟲阿！

鳥鼠仔:按呢足慢擱厚工呢！

魚 丸:所以這馬的人攞用農藥卡緊，農作物嘛生作卡水。

鳥鼠仔:對嘛!做工課愛有撇部才會緊阿！

魚 丸:就是有人安捏想，所以環境才會變甲遮呢髒。

鳥鼠仔:有這麼嚴重嗎(華語)？

魚 丸:當然是有，你看 恁老師以早有鮑鰯、鱔魚恰田螺通掠，這馬攞無矣，  
共恁講閣予恁笑老師講卡通。

鳥鼠仔:嘿嘿嘿~~真歹勢！

魚 丸:雖然毒農藥卡緊，毋過對人恰環境有足大的傷害。

鳥鼠仔:會有啥物傷害？

魚 丸:莫予蟲食農作物毒足濟農藥，農藥殺死病蟲的同時，伊嘛留佇土裡，上  
可怕的是伊全款會留在作物頂懸，予咱食入去腹肚裡。

鳥鼠仔:哇！按呢有嚴重！

魚 丸:這陣仔挂好是火金姑當濟的時，你敢無發現火金姑比以早減真濟？

鳥鼠仔:嘿阿，那會按呢？

魚 丸:彼就是農藥毒傷濟，共火金姑的囡毒死了了，無死的嘛攞無健康啊。

鳥鼠仔: :安捏是欲按怎？

魚 丸:第一 愛減少化學肥的用量，盡量用有機肥。

第二 莫用傷濟農藥，尤其農作物欲收成的時，愛算農藥的安全期才袂  
蟲毒無死煞毒死家己。

鳥鼠仔:對對對，這愛注意。

魚 丸:上好的是用自然農法。

鳥鼠仔:自然農法，這我知，就是轉去以前無掖化學肥、無用除草劑仿自然的耕  
作方式

魚 丸:黑研仔貯豆油..無底看…你捌呢！

鳥鼠仔:哎呀，歹勢啦!拄好這個我捌。

魚 丸:有一件代誌你毋通袂記得喔!

鳥鼠仔:我知~我愛來去共老師會失禮，閣欲叫老師煮我去 的竹仔園跔溜籠。

魚 丸:竹仔園跔溜籠?

鳥鼠仔:嘿阿，阮老師細漢的時攞會去竹子園，共尻川坐佇滑滑的竹葉仔頂，咻  
~一下就溜落去。

魚 丸:干焦足好耍

鳥鼠仔:兜閣會使坐佇涼亭仔的搖椅看對面的日出。

魚 丸:聽你按呢講，恁老師 兜干焦足嬾，另工咱相招來去老師兜迴迴，毋知  
會使否?

鳥鼠仔:唉..這猶閣是另外一个故事，等咱得獎矣，明年再共你講喔!

魚 丸:魚丸

鳥鼠仔:鳥鼠仔

合 :答喙鼓到這，多謝逐家!